

靈寶无量度人上品妙經卷之二十三 玄三

降真召靈品

道言昔於太極宮中紫耀騰歌大通神土受
元始度人降真召靈无量上品

元始天尊當說是經周回十過以召十方始

當詣座天真大神上聖高尊妙行真人無執

數衆乘空而來紫煙騰霄羽騎雲車霓旌霞

蓋映靄晨輝五色羅絡鬱耀九空七日七夜

諸天諸地日月星辰海嶽洞宮一時開朗靈

光照徹景氣澄清一國地土山川林木緬平

一等無復高下土皆作七寶異珍十華妙色
衆真侍座

元始天尊玄座空浮天靈洞化神金萬變之
座說經一遍天真大聖同時稱善是時一國
男女尊崇道德開悟性真說經二遍神化彰

女三

明說經三遍昧識達玄說經四遍霄虛妙響
雅韻成音說經五遍空洞靈文朗煥八方說
經六遍高真上聖下教人間說經七遍三洞
經法普用宣行說經八遍幽顯神靈應念隨
心感善降祥與德合并說經九遍魔試蠲息

五帝舉仙說經十遍百神結體萬炁齊升是
時一國是男是女莫不傾心皆受護度咸得
長生

道言是時元始天尊說經一遍東方无極无
量品元道大神無鞅之衆浮空而至說經二
遍南方无極无量品明會大神無鞅之衆浮
空而至說經三遍西方无極无量品浩素大
神無鞅之衆浮空而至說經四遍北方无極
无量品靜復大神無鞅之衆浮空而至說經
五遍東北无極无量品萬化大神無鞅之衆

浮空而至說經六遍東南无極无量品通光
大神無鞅之衆浮空而至說經七遍西南无
極无量品華真大神無鞅之衆浮空而至說
經八遍西北无極无量品玄虛大神無鞅之
衆浮空而至說經九遍上方无極无量品紫

文三

二

極大神無鞅之衆浮空而至說經十遍下方
无極无量品洞皇大神無鞅之衆浮空而至
十遍周竟十方无極天真大神一時同至一
國男女傾心歸仰來者有如雲飛霧合無鞅
之衆迨國一半土皆偏陷非可禁止於是元

靈寶度量上人妙經

始化一寶山狀如崑崙內有洞室玉扉四開
在空玄之中去地千丈元始登引天真大神
上聖高尊妙行真人十方無極至真大神無
鞅數衆俱入寶山之中天人仰看惟見勃勃
從玉扉中入既入玉扉不知所在國人靡散
地還平正無復畝陷元始即於寶山之內說
經都竟衆真監度以授於我當此之時喜慶
難言法事粗悉諸天復位倏歎之間寂無遺
響是時天人遇值經法普得濟度久視長年
無有疾傷傾土歸仰咸啓悟心不邪不諛不

昧不愚不荒不蕩不求不欲不念不思性與
道通體合至真慈惠爲本風俗長淳國安民
豐欣樂太平經始出教一國以道預有至心
崇拜禮敬皆得度世

道言元始天尊說經中所言並是諸天上帝

卷三

三

內名隱韻之音亦是神霄內諱玉洞之隱名
也非世之常辭上聖已成真人通玄究微能
悉其章誦之十過諸天遙唱萬帝設禮河海
靜默天真降庭招命神靈三天駐軒璇璣不
行千官列班負赤玉之寶圖握黑帝之隱篇

回屍起死降真得生白骨成人上獲高仙至
學之士誦之十過則五帝臨察三官赦愆地
根伐絕魔試莫侵濟度垂死絕而得生所以
爾者學士穢氣未消體未洞真以制十方威
未制天政德可伏御地祇束縛魔靈但却死
而已不能更生輕誦此章身則被殃供養尊
禮門戶興隆世世昌熾與善因緣萬災不干
神明護門斯經尊妙獨步玉京度人无量爲
萬道之宗巍巍大梵德難可勝

道言凡誦是經十過降真召靈諸天齊到海

嶽神官陰陽主宰俱來護度簡奏高宸格皆
九年道就長生獲受玉書而上列帝臣功滿
德就無不克升朝于金闕遊宴玉京也上學
之士修誦是經降真召靈混化百神洞合幽
妙超鍊飛昇世人受誦雖未達玄要精念若
勤亦可感真期靈延致妙氣灌養身形脫離
疾患保壽長年後皆得作尸解之道魂神暫
滅不經地獄即得返形遊行太空此經微妙
普度無窮一切天人莫不受慶無量之福生
死蒙惠上天所寶不傳下世至士齋金寶効

心盟天而傳輕泄漏慢殃及九祖長役鬼官
侍經五帝玉童玉女各三十二人營衛神文
保衛受經者身

道言正月長齋誦誥是經降太上之上真召
三界之衆靈爲上世玄曾下逮一身消絕積

女三

禍散滅惡愆上升玉宮參晨帝軒七月長齋
誦誥是經降太一之中真召九宮之衆靈保
度我身上奏玄名紀功青簡十月長齋誦誥
是經降太上之下真召洞臺之衆靈爲國土
封疆社稷民人撫調時序風雨順宜稼穡豐

穰禾享升平八節之日誦詠是經降召八方
玄虛日月宿度真靈消穰殃疹感格福祥本
命之日誦詠是經降召天地陰陽五行真靈
之神混合我形鎮守百關九宮泥丸骨髓玉
固色潤金鮮使我長存上賓帝前

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐青黃白三色雲
炁之中內外蒼冥有青龍白虎朱雀玄武
獅子白鶴羅列左右日月照明洞煥室內

項生圖象光映十方如此分明密呪曰

无上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十六人關啓所言今日吉慶
長齋清堂修行至經无量度人願所啓上徹

卷三

徑御

无上三十二天元始上帝至尊几前畢

引炁三十二過東向誦經

元始无量度人上品妙經

元始洞玄靈寶本章降真召靈上品妙首十
回度人百魔隱韻感格自然神素靈章合明
妙關虛清大梵經緯萬天總括三道玄通化
樞宗於會極與道涵虛開布精誠分辨靈塗
非志不達非德不據神文攝炁冥冥相符上
該玉闕旁周洞无彌羅梵境幽寥之中紫微
瓊館龜臺閣風天機所主歷劫元網混茫之
精祕曠幽光煥落萬景鬱秀五華大羅法輪
總御十方佩受帝炁降真召靈中有消愆散

靈寶无量度人上品妙經

厄之神中有長生延壽之君中有三玄定命大神中有五老皇靈丈人中有陰陽丁甲元根主宰太一尊神回光鑒映无量度人今日存感萬聖臨軒

東方无極景真神王長生大聖无量度人
南方无極化靈神王長生大聖无量度人
西方无極昭應神王長生大聖无量度人
北方无極冥慧神王長生大聖无量度人
東北无極妙智神王長生大聖无量度人
東南无極洞明神王長生大聖无量度人

西南无極藏光神王長生大聖无量度人
西北无極寶華神王長生大聖无量度人
上方无極寶仙神王長生大聖无量度人
下方无極舉度神王長生大聖无量度人
十方降真召靈神王長生度世无量大神並

女三

六

乘三素華雲飛颯霞輦浮耀玉輿翼衛鑠天
大獸神虎辟邪建降真之節召靈之幡前列
鐘鼓震響後參廣樂簫歌景龍碧鳳音韻相
和千真馳驅萬象回旋天仙兵馬羅布億千
傾光回耀應化而來神霄上宰太極諸天玄

靈寶度量人上品妙經

機玉輔二臺仙卿奉符乘籍簡奏晨玄真皇
敷化告下三元八極世界洞府泉源重河九
壘鄩都六宮南闕北溟百二十曹檢校仙士
學真之人丹心淵徹志念精微感通妙際契
會幽機隨所昭格敢有愆違玉都上房錫命
靈飛上清六甲豁落五符左招無英右挾白
元保鍊形骨與天齊年永度三塗五苦八難
超凌三界逍遙上清上清之天天帝合元無
色之境梵行

東方八天

幽澄至感天

帝順斬允隆

九生論化天

帝賀玉濟汶

巴那浩公天

帝落定形

垠谿政修天

帝寥吉有駢

角明動中天

帝司關正儀

吞量勤德總彰天

帝卓蘭冥奇

銖滿自利天

帝運希生

幼直感容天

帝護特化昭

南方八天

鳳陂文隱天

帝權變朱英

靈寶无量上人上品妙經

丹宮簡房天
樞洪歷瑤天
度仙勝延天
變世壽華天
逸龍雲景天
胎素衛慈天
寶紀定名天
西方八天
神營受符天
召靈促輯天

帝竺月羅
帝耀童真
帝真來乘夫
帝秘度無傍
帝驛追萬靈
帝握烝盈孫
帝達真和
帝老景星昌
帝石耀公儀

印道誓玄天

帝術律用封

真化瓊靈天

帝召嬰伯康

皓靈傅卿天

帝和總山圭

太微七司天

帝祝望教宗

流精大安天

帝就思九生

刺陽巡斗檢靈天

帝正興傾光

北方八天

箕辰高清大濕

帝瑤弓致真

證道示虛納空

帝範堂賓

舞雷舒光玄報天

帝溫慈明旂

洞色紫精天

帝召靈考仙

修陽啓珠天

帝伯述無回

騎史信書天

帝益冲領方

太上閔功天

帝普英元王

仙舊勅功錄王天

帝壽都基昌

玄三

八

三十二天三十二帝諸天隱諱諸天隱名天

中空洞自然靈章諸天隱韻混合之音立極

之尊儻天之神飛空大魔攝氣之靈四被六

周騰變太清玄上之化廣難可名召降靈真

普度天人今日感生鍊度歷試諸天成體玉

華合景飛根佩服赤書功列紫宸玄司考察
名參上宮東斗奏言西斗授章北斗奉簡南
斗化光中斗元標運幹萬方青帝開生白帝
舉仙赤帝執法黑帝賞延黃帝秉正攝御威
權青天真君大憲明曆丹天真君龍耀司直
素天真君摧伏惡逆黑天真君施玄布德黃
天真君鎮安四極五天至真萬道之元飛行
太虛統領群仙總校圖籙高居上玄周行八
冥坐鎮天關蒼河碧海瑤闕瓊山宣令布化
普告無窮元皇受命掃蕩災凶鑿天震威流

靈寶无度量人上品妙經

光四衝天老持符照辟不祥驅除萬惡理正
元綱敢有干犯亂我天常不容乖變糾送溟
泠風火交激殺伐祛群學道得度開濟生民
斷滅魔試皆獲飛升拔度七祖永離幽沉不
得留滯受鍊朱陵宣告北鄆萬神咸聽三官

九府列奏玉京

文三

九

天元大籙變化玄虛纏結周流騰降沉浮下
冲鬱絕上朗太无靈風扇霄開天御圖天上
天下幽廓冥冥玄光浩蕩大劫無形鴻濛元
炁雙象交升混沌懸立保運自然負山召龍

億曆綿綿周行離合包絡諸天玉昌安鎮五
方赤文妙化生育三十九篇立以天帝主以
道君流演陰陽統治萬靈攝領群魔持運彌
綸大範宣布八垣流精澄景天華眇眇玄微
玄微上皇烝合真機飛光紫清耀英霄輝明
霞散空太真儻開玉章灌鍊靈煙九回玄京
納正輔化三才千備萬周混道成真真中至
神萬帝之尊宴處圓羅我之化身龍漢億劫
植立無垠丹光煥發萬品生成上遊紫虛劫
仞蕭臺琳宮之內華闕之中召降真靈普度

群生蕩除穢滯通理百關七轉回風與氣俱
仙仙道永存无量度人上開八門經天化輪
考校功業罪福因緣普度七祖一切幽魂逍
遙十極上升九天九天之上各有生音中有
玄虛通感之章列聖靈篇辭參高真

第一天人通感之音

玄化蕩蕩

流結真精

肇立諸天

生育神靈

茫茫三界

无極天民

邪想淪惡趣

通感登高清

穢濁相沉溺

使爾道無成

不受洞元章

何以超玄津

卷三十二第三十二

欲念隨所樂 學仙多苦辛 縈累須臾滅
業盡化埃塵 一悟未逍遙 萬劫保長存
精誠貫紫霄 遼思達玉京 神飛合太虛
同妙際幽冥

第二仙王降真之章

玄三

十

玉文羅碧霄 降真玄上峯 服嚙日月華
高奔玉帝宮 逍遙過三界 倏駕徊靈風
中育孩道康 內居伯史原 巾金佩綠羽
騰輝乘紫煙 相命諸仙僚 齊禮帝一尊
下觀無極鄉 塵境何紛紛 丹簡攝大魔

靈寶无度量人上品妙經

黃旗校雲營

蔚蕭秘青編

普度學真民

玄符下三界

萬炁皆齊仙

元始會百神

回光臨我軒

七祖離長夜

幽魂度五關

與我未相期

超升出世緣

第三元皇召靈之篇

三天之上

洞靈清微

玄景崇阿

劫仞靈宮

中有至尊

運化元機

統御群品

萬炁總歸

巍巍大梵

太素高神

丹光曆明

二象豁開

鬱察受教

布列真階

飛天流演

包絡泉臺

八威玉文

安鎮五山

永保億劫

使炁無傾

人能玄感

悟道通靈

修真進仙業

萬聖自來臨

世慾空真趣

何不栖山林

此三界之上飛空之中飛仙真音音參洞章

古三

十一

誦之百遍通感無垠誦之千遍十一召降真靈萬

遍道備玄聖來臨過度三界位登仙鄉有聞

靈音群魔敬形勅制地祇侍衛送迎拔出地

戶五苦八難七祖升遷永離鬼官魂度朱陵

受鍊更生是謂无量普度无窮有祕上天文

諸天共所崇泄慢墮地獄禍及七祖翁

道言此二章並是諸天上帝及至真仙王隱
秘之音皆是大梵之言非世上常辭言無韻
麗曲無華究故謂玄奧難可尋詳上天所寶
祕於神霄玉清王府東華寶藏依玄科隨運
下傳若有至人齋金寶質心依舊格告盟玉
清然後而付焉

道言夫降真則災厄息召靈則禍難除安國
寧家悉從玄感若劫運否終三光虧盈神人
休否末學疾傷同氣皆當齊心修齋六時行

香十遍轉經高聖立降消諸不祥无量之文
普度无窮

道言夫末學道淺或仙品未克運應滅度身
經太陰臨過之時同學至人爲其行香誦經
十過致五靈之童以始生之英鍊度屍形如
法魂神徑上南宮隨其學功計日而得更生
轉輪不惑便得神仙

道言夫天地運終星宿錯度日月失明陰陽
不調國境有災兆民死傷師友命過皆當修
齋行香誦經則八天主司各遣飛仙收滅禍

害之氣使國土安寧生民康泰已化超升夫
齋戒誦經功德甚重上消天災保鎮帝王下
攘毒害以度兆民隨其功業感格真靈故曰
无量普度天人

道言凡有是經能為天地帝主兆民行是功

十三

十二

德召降之日發心修齋燒香誦經十過皆真

靈記名萬聖來臨右別至人克得為帝君玉
府之臣列曹記人功過毫分無失神霄公卿
亦保舉爾身得道者乃當洞明至言也

諸天中大梵隱語无量音

道君譔

元始降真召靈中篇

東方八天

陣林斗虛 弔角歷虛 帝明愬恪

景昭化于 丙純祠文 律慶自模

滅叔止普 政愬愬居 昌極褚鄰

兌挹元符 札邁時畢 臻魯張須

甲華左周 轉辰閭師 杳太逸王

紫天毗分

南方八天

朱光舍道 析真流陽 固巳洞溫

伏觀玻璃 露乾迹非 雲押寧章

既獲由祭 夢奪元剛 注靈鸞泰

旬使治倉 弗閑獲度 平太勇光

赤華輝帝 廣素啓方 望智無問

義并委常

文三

西方八天

十三

頓叉瑤敕 冥湄阻衰 釋謚房弼

定局可歸 稱玄弗極 用祕提回

猛歌昆緣 邾墟淑階 高華偃聰

拱師陀開 輝路湛見 嶽察守臺

至鎮栢趨
珙袍碧微
山真夷郎

道英格非

北方八天

攸侯察姦
主兵元環
盧起瞻谿

歷魔簿監
文華權陽
液掖岵盤

麗審密火
化混雲輪
交到又谷

羅弈穹旻
暝和情比
紫真降璘

展義漠涖
晦張垠綿
緯投穴互

畢忽輕遷

道言此諸天中大梵隱語无量之音舊文刻

靈寶度量上人妙品經

書青城宮玉臺館主降天地之高真幽顯之
玄靈助行大化以唱三境之仙宗字皆廣長
一丈天真皇人昔書其文以爲正音有知其
音能齋而誦之者諸天皆命化炁仙王下觀
其身書其功勤上奏諸天萬神朝禮地祇侍
門大勲魔王保舉飛升道備克得遊行三界
升入金門此音無所不辟無所不穰無所不
度無所不成天真自然之音也故誦之致飛
天下觀上帝遙唱萬神朝禮三界侍軒群祇
束首鬼精自亡琳琅振響十方肅清河海靜

默山嶽吞煙萬靈振伏招集群仙天無氛穢
地無祲塵冥慧洞清大量玄玄也

高上仙王降真之符

玄三

十四



元始无量度人上品妙經卷之二十三